



Broj: 02-04-22645-35.1/26
Sarajevo, 30.04.2026. godine

GODIŠNJI PLAN PROVOĐENJA PROGRAMA RAZVOJA MALE PRIVREDE ZA 2026. GODINU

1 UVOD

Članom 10. stav (1) i (2) Zakona o poticaju razvoja male privrede („Službene novine Kantona Sarajevo“, broj: 29/15) (u daljnjem tekstu: Zakon) propisano je da Vlada Kantona Sarajevo (u daljnjem tekstu: Vlada) na prijedlog Ministarstva privrede Kantona Sarajevo (u daljnjem tekstu: Ministarstvo) donosi program razvoja male privrede za period od četiri godine, kao i da se ovim programom utvrđuju smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. S tim u vezi, Vlada je shodno pomenutim odredbama Zakona donijela Program razvoja male privrede za period 2024. - 2027. godina. („Službene novine Kantona Sarajevo“, broj: 17/24) (u daljnjem tekstu: Program).

Članom 10. stav (3), (4) i (5) Zakona propisano je da na osnovu programa razvoja male privrede za četverogodišnji period Vlada usvaja godišnji plan provođenja programa razvoja male privrede za tekuću kalendarsku godinu, koji sadrži plan pojedinih poticajnih mjera i aktivnosti, potrebna finansijska sredstva, izvore sredstava, kriterije, uslove i način korištenja sredstava.

Shodno navedenom, Ministarstvo je pripremilo Godišnji plan provođenja Programa razvoja male privrede za 2026. godinu (u daljnjem tekstu: Godišnji plan) koji je sačinjen u skladu sa Zakonom, članom 33. i 40. Zakona o izvršavanju Budžeta Kantona Sarajevo za 2026. godinu („Službene novine Kantona Sarajevo“, broj: 52/25) i Programom. Potrebno je napomenuti da je Godišnji plan, u dijelu koji se odnosi na davanje podrške za poduzetništvo mladih, usklađen sa Zakonom o mladima Federacije Bosne i Hercegovine („Službene novine Federacije BiH“, broj: 36/10) (u daljnjem tekstu: Zakon o mladima).

U Godišnjem planu prezentirane su osnovne informacije koje se odnose na opće uslove koji važe za sve pojedinačne programe koji su njime obuhvaćeni, te je dat popis pojedinačnih programa koji su predviđeni za realizaciju u 2026. godini, u kojem su u popisu za svaki od ovih pojedinačnih programa prikazane osnovne informacije o posebnim uslovima i kriterijima u postupku izbora korisnika poticajnih sredstava i postupku izbora banke/banaka - partnera za realizaciju kreditne linije uz subvenciju kamatne stope. Prezentirane su i osnovne informacije o ciljevima, kategoriji korisnika poticajnih sredstava koji imaju pravo učešća, kategoriji korisnika poticajnih kreditnih sredstava koji imaju pravo učešća, ukupnom planiranom iznosu poticajnih sredstava i poticajnih kreditnih sredstava, izvoru finansiranja, maksimalnom iznosu sredstava koji se dodjeljuje odabranom korisniku poticajnih sredstava i maksimalnom iznosu kreditnih sredstava koji se dodjeljuje odabranoj banci za realizaciju kreditne linije uz subvenciju kamatne stope, informacije o prihvatljivim i neprihvatljivim troškovima i informacije o drugim potrebnim programskim elementima.



2 OPĆI USLOVI ZA DODJELU POTICAJNIH SREDSTAVA

Pravo na poticajna sredstva iz Budžeta Kantona Sarajevo za 2026. godinu namijenjena za realizaciju pojedinačnih programa od 3.2.1 do 3.2.8 Godišnjeg plana mogu ostvariti subjekti male privrede, koji su kao takvi definisani Zakonom ako ispunjavaju uslove propisane Godišnjim planom i javnim pozivom.

1. Opći uslov - obavljanje registrovane osnovne djelatnosti

Kada je u pitanju vrsta djelatnosti, po pojedinačnim programima od 3.2.1 do 3.2.8 pravo na poticajna sredstva po Godišnjem planu mogu ostvariti subjekti male privrede koji obavljaju registrovanu osnovnu djelatnost prema Klasifikaciji djelatnosti BiH 2010 („Službeni glasnik BiH“, broj: 47/10), kako slijedi:

- a) **Program 3.2.1 „Obezbjedenje kreditiranja pod povoljnijim uslovima“**
Područje C - Prerađivačka industrija, šifre djelatnosti: (10.11-10.92), 11.07, (13.10-18.20), (20.11-25.30) i (25.50-33.20);
Područje D - Proizvodnja i snabdijevanje električnom energijom, plinom, parom i klimatizacija, šifra djelatnosti: 35.11;
Područje E - Opskrba vodom; uklanjanje otpadnih voda, gospodarenje otpadom te sanacije okoliša, šifre djelatnosti: 38.11, 38.12, 38.21, 38.22, 38.31 i 38.32;
Područje F - Građevinarstvo, šifre djelatnosti: (41.10-43.99);
Područje G - Trgovina na veliko i na malo; Popravak motornih vozila i motocikala, šifre djelatnosti: (45.11-45.40), (46.21-46.24), (46.31-46.33), (46.36-46.39), (46.41-46.77), 46.90, (47.11-47.24), 47.29 i (47.41-47.79);
Područje H - Prevoz i skladištenje, šifre djelatnosti: 49.31, 49.39, 49.41, 49.42, 52.10, 52.21, 52.23, 52.24 i 52.29;
Područje I - Djelatnosti pružanja smještaja te pripreme i usluživanja hrane, šifre djelatnosti: (55.10-56.29);
Područje J - Informacije i komunikacije, šifre djelatnosti: (58.11-63.99);
Područje M - Stručne, znanstvene i tehničke djelatnosti, šifre djelatnosti: (69.10-75.00);
Područje N - Administrativne i pomoćne uslužne djelatnosti, šifre djelatnosti: (79.11 -79.90), (81.21-81.30), 82.11 i 82.20;
Područje P - Obrazovanje, šifre djelatnosti: 85.10 i (85.51-85.60);
Područje Q - Djelatnosti zdravstvene zaštite i socijalne skrbi, šifre djelatnosti: (86.21-88.99)
i
Područje S - Ostale uslužne djelatnosti, šifre djelatnosti: (95.11-96.04).
- b) **Program 3.2.3 „Finansijski poticaj sa inkubacijom za novoosnovane poslovne subjekte“**
Područje J - Informacije i komunikacije, šifre djelatnosti: 58.21, 58.29, (62.01-63.11);
Područje M - Stručne, znanstvene i tehničke djelatnosti, šifre djelatnosti: (69.10-69.20), (70.10-71.12), (72.19-72.20), 73.11, 73.20, 74.10, 74.30, 74.90 i
Područje N - Administrativne i pomoćne uslužne djelatnosti, šifre djelatnosti: 78.10, 78.20, 78.30, 79.11, (82.11-82.91) i 82.99.
- c) **Program 3.2.4 – „Program podrške razvoju i održivosti poslovnih subjekata kroz nastavak inkubacije“:**
Područje C - Prerađivačka industrija, šifre djelatnosti: (16.10-16.29), (24.10-24.54), (25.11-25.99), (27.11-27.12), (28.41-28.49), 28.91, 31.01, 31.02, 31.09, 38.32 i 43.22.
Područje J - Informacije i komunikacije, šifre djelatnosti: 58.21, 58.29, (62.01-63.11);
Područje M - Stručne, znanstvene i tehničke djelatnosti, šifre djelatnosti: (69.10-69.20), (70.10-71.12), (72.19-72.20), 73.11, 73.20, 74.10, 74.30, 74.90 i
Područje N - Administrativne i pomoćne uslužne djelatnosti, šifre djelatnosti: 78.10, 78.20, 78.30, 79.11, (82.11-82.91) i 82.99.
- d) **Program 3.2.2 „Poticaj direktnih stranih ulaganja - Podrška za osnivanje pravnog lica čiji je osnivač strani ulagač“; Program 3.2.5 „Poticaj za ulaganja novoosnovanih poslovnih subjekata**



registrovanih u 2025. i 2026. godini“; **Program 3.2.6** „Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja“, **Program 3.2.7** „Poticaj za nova ulaganja u tehnološku modernizaciju i primjenu standarda kvalitete“ i **Program 3.2.8** „Poticaj razvoja ženskog poduzetništva“:

Područje C - Prerađivačka industrija, šifre djelatnosti: (10.11-10.92), 11.07, (13.10-18.20), (20.11-25.30) i (25.50-33.20);

Područje D - Proizvodnja i snabdijevanje električnom energijom, plinom, parom i klimatizacija, šifre djelatnosti: 35.11;

Područje E - Opskrba vodom; uklanjanje otpadnih voda, gospodarenje otpadom te sanacije okoliša, šifre djelatnosti: 38.11, 38.12, 38.21, 38.22, 38.31 i 38.32;

Područje F - Građevinarstvo, šifre djelatnosti: (41.10-43.99);

Područje G - Trgovina na veliko i na malo; Popravak motornih vozila i motocikala, šifra djelatnosti: 45.20;

Područje H - Prevoz i skladištenje, šifre djelatnosti: 49.31, 49.39, 49.41, 49.42, 52.10, 52.21, 52.23, 52.24 i 52.29;

Područje I - Djelatnosti pružanja smještaja te pripreme i usluživanja hrane, šifre djelatnosti: (55.10-56.29);

Područje J - Informacije i komunikacije, šifre djelatnosti: (58.11-63.99);

Područje M - Stručne, znanstvene i tehničke djelatnosti, šifre djelatnosti: (69.10-75.00);

Područje N - Administrativne i pomoćne uslužne djelatnosti, šifre djelatnosti: (79.11 -79.90), (81.21-81.30), 82.11 i 82.20;

Područje P - Obrazovanje, šifre djelatnosti: 85.10 i (85.51-85.60);

Područje Q - Djelatnosti zdravstvene zaštite i socijalne skrbi, šifre djelatnosti: (86.21-88.99) i

Područje S - Ostale uslužne djelatnosti, šifre djelatnosti: (95.11-96.04).

2. Ostali opći uslovi

- a) Po pojedinačnim programima od 3.2.1 do 3.2.8 iz ovog Godišnjeg plana, subjekti male privrede/podnosioci prijave registrovanu osnovnu djelatnost prema Klasifikaciji djelatnosti KD BiH 2010 („Službeni glasnik BiH“, broj: 47/10) dokazuju dostavljanjem dokumenta koji izdaje Federalni zavod za statistiku - Služba za statistiku za područje Kantona Sarajevo - Obavještenje o razvrstavanju poslovnog subjekta prema klasifikaciji djelatnosti (u daljnjem tekstu: Obavještenje službe za statistiku);
- b) Poticajna sredstva se neće dodijeliti subjektima male privrede nad kojima je otvoren stečajni ili likvidacioni postupak, te onim subjektima koji su obustavili poslovnu djelatnost, kao i subjektima koji imaju dospjeli dug po osnovu poreza i doprinosa, osim ako je subjekt uz prijavu dostavio potpisan ugovor sa Poreznom upravom Federacije BiH i/ili Upravom za indirektno oporezivanje BiH o otplati duga na rate;
- c) Podnosilac prijave nema pravo na poticajna grant sredstva za predmet poticaja za koji je primio poticajna grant sredstva putem drugih programa finansiranja/sufinansiranja: Vlade Kantona Sarajevo, neke druge institucije u FBiH ili nevladine organizacije. Ukoliko se naknadno utvrdi da je koristio sredstva poticaja iz bilo kojeg od ovih izvora, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama;
- d) Podnosilac prijave nema pravo na poticajna grant sredstva ukoliko ne dostavi uvjerenje nadležnog općinskog suda kojim poslovni subjekt dokazuje da mu pred sudovima na području Bosne i Hercegovine nije podignuta optužnica protiv njega koja je stupila na pravnu snagu, odnosno da nije potvrđena optužnica, a niti je izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom;
- e) Najveći pojedinačni iznos sredstava poticaja koji se dodjeljuju podnosiocima prijave po pojedinačnim programima propisuje se u ovom Godišnjem planu i javnom pozivu;



- f) Ukoliko se utvrdi da je subjekt ostvario pravo na poticajna sredstva na temelju dostavljene neistinite dokumentacije, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama, odnosno izvršiti povrat sredstava za subvenciju kamata po odobrenom kreditu sa pripadajućim zakonskim zateznim kamatama;
- g) Javni poziv za izbor korisnika poticajnih grant sredstava objavljuje Ministarstvo. Javni pozivi objavljuju se na internet stranici ovog Ministarstva, a pojedinačna obavještenja o ovim javnim pozivima objavljuju se u „Službenim novinama Kantona Sarajevo“ i dnevnom listu čiji je izdavač pravno lice sa sjedištem u Kantonu Sarajevo;
- h) Broj prijave koji se može podnijeti po javnim pozivima objavljenim na osnovu Godišnjeg plana ograničava se važećim podzakonskim aktom iz člana 13. stav (1) Zakona;
- i) Podnosilac prijave koji do objave Javnog poziva ne opravda dodijeljena poticajna sredstva po ranije preuzetim ugovornim obavezama nema pravo učešća i njegova se prijava neće razmatrati. Ukoliko se naknadno utvrdi da podnosilac prijave nije opravdao dodijeljena poticajna sredstva po ranije preuzetim ugovornim obavezama, obavezan je izvršiti povrat ovih poticajnih grant sredstava sa pripadajućim zakonskim zateznim kamatama;
- j) Osim Programa 3.2.1 „Obezbjeđenje kreditiranja pod povoljnijim uslovima“, na podnosioca prijave primjenjuju se sva ograničenja za učestvovanje u javnim pozivima objavljenim na osnovu Godišnjeg plana, a koja su propisana važećim podzakonskim aktom iz člana 13. stav (1) Zakona;
- k) U slučaju da ostane neutrošenih sredstava na pojedinim pojedinačnim programima iz Godišnjeg plana, ista se mogu prerasporediti na drugi pojedinačni program u okviru ovog Godišnjeg plana, ukoliko se ukaže potreba na osnovu rezultata evaluacije podnesenih prijava. Predmetna preraspodjela sredstava po pojedinačnim programima utvrđuje se odlukom Ministarstva i odnosi se na sve javne pozive za izbor korisnika poticajnih sredstava po pojedinačnim programima: 3.2.2, 3.2.3, 3.2.4, 3.2.5, 3.2.6, 3.2.7 i 3.2.8 iz ovog Godišnjeg plana;
- l) Ukoliko preraspodjelom sredstava iz podtačke k) ove tačke nije moguće obezbijediti iznose sredstava koji su dostatni, tj. dovoljni shodno zaprimljenim i obrađenim urednim prijavama za pojedinačne programe: 3.2.5, 3.2.6, 3.2.7 i 3.2.8 iz ovog Godišnjeg plana, preraspodjela sredstava u cilju obezbjeđenja sredstava do potrebnog iznosa po pojedinačnom programu, izvršit će se prema sljedećem redoslijedu pojedinačnih programa: 3.2.6, 3.2.7, 3.2.8 i 3.2.5.
- m) Ako se preraspodjelom sredstava iz podtačaka k) i l) ove tačke ne obezbijedi potreban iznos sredstava po određenim - preostalim pojedinačnim programima iz redoslijeda iz podtačke l) ove tačke, podnosioci prijave po tim pojedinačnim programima mogu ostvariti pravo na poticajna sredstva u proceduri ocjenjivanja prijave prema sljedećim kriterijima: A - Vrsta djelatnosti (četiri grupe, maksimalno 30 bodova); B - Broj zaposlenih (osam grupa, maksimalno 40 bodova); i C - Ostvarena dobit (četiri grupe, maksimalno 30 bodova). Za kriterije: A, B i C, iznos bodova u svakoj pojedinačnoj grupi utvrđuje se javnim pozivom. Za Program 3.2.5 – „Poticaj za ulaganja novoosnovanih poslovnih subjekata registrovanih u 2025. i 2026. godini“ bodovanje se vrši isključivo prema kriterijima: A i B;
- n) Nakon izvršenog bodovanja iz podtačke m) ove tačke, za grupu aplikanata koji ostvare broj bodova koji se u cijelosti nalazi unutar definiranog limita sredstava po pojedinačnom programu (Grupa I), bit će isplaćen cjelokupan iznos sredstava traženih u pojedinačnim prijavama ovih aplikanata.
- o) Za preostala sredstva formira se Grupa II od preostalih aplikanata sa najvećim brojem bodova. Ovim aplikantima sredstva će biti isplaćena proporcionalno iznosu sredstava iz pojedinačnog zahtjeva aplikanta i sredstava koja su preostala nakon raspodjele sredstava iz podtačke m) ove tačke. Iznos sredstava koji će biti isplaćen po pojedinačnom aplikantu iz Grupe II obračunava se na sljedeći način: (Ukupan preostali iznos sredstava do definiranog limita sredstava po pojedinačnom programu/Ukupan traženi iznos sredstava svih aplikanata iz Grupe II) x (Pojedinačni traženi iznos sredstava aplikanta iz Grupe II).

3 PROGRAMI POTICAJA RAZVOJA SUBJEKATA MALE PRIVREDE

U skladu sa Programom razvoja male privrede za period 2024. - 2027. godina primarni strateški cilj koji se želi postići ovim godišnjim planom je razvojni cilj kao i daljnja stabilizacija poslovanja subjekata male privrede u Kantonu Sarajevo. U skladu sa privrednim prilikama, nastojat će se povećati broj subjekata male privrede i broj zaposlenih u Kantona Sarajevo. Za realizaciju definisanih ciljeva utvrđeno je nekoliko prioriteta zajedno sa mjerama/programima, i to:

PRIORITET 1.

Unapređenje dostupnosti izvora finansiranja:

- Kreditiranje subjekata male privrede pod povoljnijim uslovima.

PRIORITET 2.

Razvoj poduzetničkog okruženja, podrška likvidnosti, obezbjeđenje novih obrtnih sredstava, unapređenje poslovanja i nova ulaganja:

- Poticaj za tehnološku modernizaciju, primjenu standarda kvaliteta i digitalizaciju poslovanja;
- Poticaj za nova ulaganja u tehnološku modernizaciju i primjenu standarda kvaliteta u cilju unapređenja konkurentnosti i/ili novog zapošljavanja;
- Poticaj za ulaganja novoosnovanih poslovnih subjekata registrovanih u 2025. i 2026. godini;
- Poticaj razvoja ženskog poduzetništva i
- Podrška razvoju i održivosti poslovnih subjekata kroz nastavak inkubacije.

PRIORITET 3.

Podrška formiranju novih subjekata i zapošljavanju sa posebnim fokusom na mlade:

- Finansijski poticaj sa inkubacijom za novoosnovane poslovne subjekte;
- Poticaj za direktna strana ulaganja - Podrška za osnivanje pravnog lica čiji je osnivač strani ulagač;

3.1 POTICAJNE MJERE/PROGRAMI I PLANIRANA SREDSTVA

Poticajne mjere i aktivnosti utvrđene su na osnovu raspoloživih statističkih informacija, provedenih analiza privredne strukture i kretanja poduzetništva u Kantonu Sarajevo, realizacije mjera razvoja male privrede, te identificiranih razvojnih potreba poduzetnika. U skladu sa članom 9. i 12. Zakona, Ministarstvo za 2026. godinu planira provođenje poticajnih mjera i aktivnosti radi ostvarivanja ciljeva razvoja male privrede, te je utvrdilo pojedinačne programe kojima se uređuje način njihovog provođenja, kako slijedi:

R. br.	Naziv Programa	Vrsta sredstava	Cilj/Namjena	Iznos (KM)
1.	Obezbjeđenje kreditiranja pod povoljnijim uslovima	Grant sredstva	Obezbjeđenje povoljnog finansiranja privrednih subjekata putem banke/banaka sa subvencioniranom kamatom	1.500.000,00
2.	Poticaj direktnih stranih ulaganja - Podrška za osnivanje pravnog lica čiji je osnivač strani ulagač	Grant sredstva	Poticaj za ulaganja u tehnološku modernizaciju, uvođenje standarda kvaliteta i digitalizaciju poslovanja za novosnovana pravna lica čiji je osnivač strani ulagač	300.000,00



3.	Finansijski poticaj sa inkubacijom za novoosnovane poslovne subjekte	Grant sredstva i inkubacija	Finansijski poticaj i inkubacija za subjekte male privrede koje su u 2026. godini osnovali kreativni mladi pojedinci	660.000,00
4.	Podrška razvoju i održivosti poslovnih subjekata kroz nastavak inkubacije	Grant sredstva i nastavak inkubacije	Program je usmjeren na podršku daljem razvoju i održivosti tri poslovna subjekta iz prethodne generacije rezidenata Inkubatora Javne ustanove „Centar za napredne tehnologije u Sarajevu“, koji su ostvarili najbolje rezultate tokom inkubacijskog procesa	30.000,00
5.	Poticaj za ulaganja novoosnovanih poslovnih subjekata registrovanih u 2025. i 2026. godini	Grant sredstva	Poticaj za ulaganja u tehnološku modernizaciju, uvođenje standarda kvaliteta i digitalizaciju poslovanja za poslovne subjekte registrovane u 2025. i 2026. godini	400.000,00
6.	Refundiranje troškova tehnološke modernizacije, primjene standarda kvaliteta i digitalizacije poslovanja	Grant sredstva	Refundiranje dijela plaćenih troškova: mašina, opreme za primjenu tehničkih normi i standarda kvaliteta, digitalizaciju poslovanja u cilju podrške likvidnosti i/ili novom zapošljavanju	2.000.000,00
7.	Poticaj za nova ulaganja u tehnološku modernizaciju i primjenu standarda kvaliteta	Grant sredstva	Subvencioniranje dijela troškova novih ulaganja u mašine i opremu, za primjenu tehničkih normi i standarda kvaliteta, digitalizaciju poslovanja u cilju unapređenja konkurentnosti i izvoza	1.800.000,00
8.	Poticaj razvoja ženskog poduzetništva	Grant sredstva	Subvencija troškova razvoja za pokretanje i održavanje privredne aktivnosti MSP-ova u minimalno 51% privatnom vlasništvu žena državljanke Bosne i Hercegovine	1.228.000,00
UKUPAN PLANIRANI IZNOS SREDSTAVA ZA PROVOĐENJE PROGRAMA U 2026. GODINI				7.918.000,00

3.2 INSTRUMENTI PROVEDBE PRIORITETNIH CILJEVA

3.2.1 Program Obezbjedenje kreditiranja pod povoljnijim uslovima

Pravo i uslovi za dodjelu poticajnih kreditnih sredstava

Pravo na dodjelu poticajnih kreditnih sredstava (uz subvencioniranu kamatnu stopu) ostvaruju subjekti male privrede definisani Zakonom koji obavljaju osnovnu djelatnost propisanu podtačkom a) tačke 2.1 Opći uslov - obavljanje registrovane osnovne djelatnosti. Subjektima male privrede koji imaju sjedište na području Kantona Sarajevo je ovim programom obezbijedena mogućnost kreditiranja pod povoljnijim uslovima uz subvencioniranje kamatne stope od strane Ministarstva. Kreditiranje se vrši putem banke/banaka izabrane/izabranih prema kriterijima i uslovima iz ovog Godšnjeg plana i Javnog poziva za odabir banke/banaka (do dvije banke) za plasman kreditne linije.



Namjena utroška dodijeljenih poticajnih kreditnih sredstava

Kreditne linije uz subvencioniranu kamatnu stopu imaju za cilj da pruže finansijsku podršku subjektima male privrede za nabavku osnovnih sredstava i investicije (dugoročna finansiranja), za obezbjeđenje tekuće likvidnosti, produktivnije poslovanje i rast privrednih aktivnosti, kao i za finansiranja za trajna obrtna sredstva. Neprihvatljivim troškovima po ovom programu smatraju se troškovi kupovine zemljišta, stambenih jedinica (stanova i kuća), te svih vrsta vozila, izuzev teretnih vozila. Subjekti male privrede kojima se odobre kreditna sredstva iz ove kreditne linije obavezuju se da ista koriste na način da najmanje 50% odobrenog iznosa utroše za osnovna sredstva, a maksimalno do 50% odobrenog kreditnog iznosa za obrtna sredstva i održavanje tekuće likvidnosti. Korisnik poticajnih kreditnih sredstava obavezan je zadržati minimalno 70% od broja uposlenih koji je imao na dan podnošenja prijave. Sredstva iz ove kreditne linije trebaju omogućiti subjektima male privrede kupovinu mašina i opreme, razvoj i pokretanje novih aktivnosti, održavanje i unapređenje postojeće proizvodnje, veća iskorištenja privrednih kapaciteta, ekonomsku stabilnost privrednih subjekata, održavanje postojećih radnih mjesta i novo zapošljavanje, očuvanje postojećih subjekata male privrede, povećanje izvoza i obezbjeđenje redovnog poslovanja. Izbor korisnika kreditnih sredstava i iznos pojedinačnih poticajnih kreditnih sredstava, u skladu sa uslovima iz ovog godišnjeg plana i Javnog poziva, kao i kreditnim potencijalom subjekta male privrede, utvrđuje odabrana banka.

Iznos i rok dodjele poticajnih kreditnih sredstava

Odabrana banka, u skladu sa relevantnim propisima i pravilima struke obezbjeđuje sredstva za kreditnu liniju subjektima male privrede u pojedinačnom iznosu do 2.000.000,00 KM, na rok do sedam godina (84 mjeseca) koji ne uključuje grace period. Godišnjim planom u 2026. godini za subvenciju troškova po osnovu kamatne stope u visini do 3,0% planiran je iznos od 1.500.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane/odabranih banke/banaka (do dvije banke). Sredstva za subvenciju kamata obezbijedena su u Budžetu Kantona Sarajevo za 2026. godinu.

Uslovi i kriteriji za izbor banke za plasman kreditnih sredstava uz subvenciju kamate

Uslovi i kriteriji za izbor banke za plasman kreditnih sredstava uz subvenciju kamatne stope do 3,0% su sljedeći: Banke u svojim prijavama dostavljaju ponude za plasman kreditnih sredstava vodeći računa o sljedećim kriterijima: visini fiksne kamatne stope (iskazanoj u %); visini troškova obrade kredita (iskazanoj u %) i grace periodu (iskazanom u mjesecima) koji za dugoročne kredite ne može biti manji od šest mjeseci. Broj bodova po ovim kriterijima propisuje se javnim pozivom za ovaj pojedinačni program. Broj izabranih banaka za plasman kreditnih sredstava po ovom programu ne može biti veći od dva. U slučaju da dvije ili više banaka, nakon ocjenjivanja ponuda ostvare isti broj bodova, prednost u postupku izbora banaka imat će banka čija je veća visina kapitala na dan 31.12.2025. godine. Planirana struktura rasporeda poticajnih sredstava namijenjenih za subvenciju troškova kamate u iznosu od 1.500.000,00 KM po ovom programu se vrši na sljedeći način: prvorangirana banka ostvaruje pravo na 60% ovih sredstava, a drugorangirana banka 40% ovih sredstava. U slučaju da se u postupku izbora banaka ne izabere niti jedna banka ili se izabere samo jedna banka, može se objaviti novi (drugi) javni poziv za izbor banke za preostala neutrošena poticajna sredstva.

Odabrana banka koja zaključi ugovor o poslovnoj saradnji sa Ministarstvom ima obavezu da iskoristi minimalno 80% dodijeljenih sredstava za subvenciju do isteka ugovorenog roka za zaključenje ugovora sa korisnicima sredstava predmetne kreditne linije, a za šta se banka obavezuje dostaviti bezuslovnu i na prvi poziv naplativu garanciju za dobro izvršenje ugovora u visini od 10% od cjelokupnog iznosa dodijeljene subvencije, i to sa rokom važnosti 30 dana dužim od roka za zaključenje ugovora sa korisnicima sredstava. U slučaju da odabrana banka do krajnjeg roka ne iskoristi minimalno 80% dodijeljenih sredstava za subvenciju, ova banka dužna je platiti ugovornu kaznu u iznosu od 10% od iznosa dodijeljenih sredstava za subvenciju u roku utvrđenom ugovorom o poslovnoj saradnji. Ukoliko ova banka propusti uplatiti predmetnu ugovornu kaznu u utvrđenom roku Ministarstvo ima pravo na naplatu bankovne garancije za dobro izvršenje ugovora.



Odabir banaka za provođenje kreditne linije po ovom programu utvrđuje se na osnovu dostavljene ponude i utvrđene rang liste odabranih banaka. Ostali uslovi i kriteriji se propisuju javnim pozivom za ovaj pojedinačni program.

Svrha	Pristup finansijskim sredstvima pod povoljnijim uslovima, odnosno smanjenje troškova finansiranja, održavanje tekuće likvidnosti, pokretanje poslovanja, podrška investicijskim ciklusima poduzetnika.
Korisnici	Subjekti male privrede u skladu sa Zakonom
Nosilac aktivnosti	Ministarstvo privrede Kantona Sarajevo
Sunosioci aktivnosti	Komercijalne banke BiH (banke za plasman kreditnih sredstava)
Način provođenja	Javni poziv
Aktivnosti	<ul style="list-style-type: none"> • Dodjela poticajnih kreditnih sredstava za subjekte male privrede uz subvenciju kamata (po povoljnijim uslovima u odnosu na standardne uslove u komercijalnim bankama); • Subvencioniranje/refundiranje troškova kamata na kredite
Indikator realizacije	<ul style="list-style-type: none"> • Broj i iznos odobrenih kredita (minimalno 40 subjekata male privrede); • Poboľjšani finansijski rezultati poslovanja za minimalno 30 subjekata male privrede
Izvori finansiranja	<ul style="list-style-type: none"> • Budžet Kantona Sarajevo - Ministarstvo privrede Kantona Sarajevo i banke

3.2.2 Program Poticaj direktnih stranih ulaganja - Podrška za osnivanje pravnog lica čiji je osnivač strani ulagač

Pravo i uslovi za dodjelu poticajnih sredstava

Pravo učešća na javnom pozivu po ovom programu ima strano pravno lice koje nema registrovano poslovanje u Bosni i Hercegovini, posluje minimalno dvije godine do dana 31.12.2025. godine, koje posjeduje pisani dokaz izdat od strane banke o načinu/statusu obezbjeđenja vlastitih i/ili kreditnih sredstava potrebnih za realizaciju biznis plana, ispunjava uslove za svrstavanje u kategoriju subjekata male privrede kako je to propisano članom 3. Zakona (u daljnjem tekstu: strani ulagač) i ima kvalitetnu biznis ideju koja je kroz proces cjelovitog biznis planiranja razvijena u perspektivan biznis model predočen u formi biznis plana.

Pravo učešća na Javnom pozivu ima i subjekt male privrede sa sjedištem na području Kantona Sarajevo koji je registrovan u periodu od 01.01.2026. godine do dana podnošenja prijave na javni poziv koji se objavi po ovom programu, a ima većinski udio stranog ulagača u smislu ovog programa i ima kvalitetnu biznis ideju koja je kroz proces cjelovitog biznis planiranja razvijena u perspektivan biznis model predočen u formi biznis plana.

Kompletna dokumentacija koju podnosilac prijave dostavlja uz prijavu na javni poziv po ovom programu mora biti prevedena na jedan od službenih jezika u Bosni i Hercegovini i ovjerena od strane ovlaštenog sudskog tumača. Grant sredstva po ovom programu dodjeljuju se novosnovanom pravnom licu sa sjedištem na području Kantona Sarajevo koje ima većinski udio stranog ulagača u smislu ovog programa i koje je registrovano za obavljanje osnovne djelatnosti obuhvaćene podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana, osim djelatnosti koje podliježu restrikciji u smislu člana 3. Zakona o stranim ulaganjima Federacije BiH („Službene novine Federacije BiH“, broj: 61/01, 50/03 i 77/15). Ovaj program bit će promovisan prema ciljnoj skupini putem svih dostupnih kanala promocije. Prilikom vršenja aktivnosti promocije poseban fokus bit će na fizičkim licima sa stalnim boravkom u inostranstvu koja imaju vezu sa Bosnom i Hercegovinom i direktan ili indirektan uticaj u stranim pravnim licima. Javni poziv po ovom



programu bit će objavljen na internet stranici Ministarstva na jednom od službenih jezika u Bosni i Hercegovini, engleskom jeziku i njemačkom jeziku.

Namjena utroška poticajnih sredstava

Mala i srednja preduzeća predstavljaju okosnice ekonomija širom svijeta te mogu značajno doprinijeti prekograničnom ekonomskom rastu, inovacijama i otvaranju novih radnih mjesta. Međutim, na globalnom nivou, u razvojnim politikama nadležnih institucija potencijal malih i srednjih preduzeća kao stranih investitora obično je zanemaren. To potvrđuje i organizacija Konferencija Ujedinjenih nacija o trgovini i razvoju (UNCTAD) koja u studiji pod nazivom – „Promocija međunarodnih investicija malih i srednjih preduzeća“ (eng. „Promoting International Investment by Small and Medium-sized Enterprises“) navodi: „Iskustvo UNCTAD-a u radu sa institucijama nadležnim za investicije, kao što su agencije za promociju investicija pokazalo je da su institucije, politike i infrastruktura za privlačenje i promociju investicija uglavnom usmjereni na industrijske projekte velikih multinacionalnih preduzeća.“ Ipak podržavanje direktnih stranih investicija malih i srednjih preduzeća iz inostranstva ima pozitivne efekte na ekonomiju primaoca ovih investicija, što uključuje kreiranje novih radnih mjesta, novi priliv kapitala, prenos znanja i tehnologija, integraciju domaćih kompanija u globalne i regionalne lance vrijednosti, ali i angažman lokalnih dobavljača i partnera. Također, za razliku od velikih multinacionalnih preduzeća, manja je vjerovatnoća da će direktni strani investitori iz kategorije malih i srednjih preduzeća istisnuti lokalne kompanije sa domaćeg tržišta. Ministarstvo u Godišnjem planu, cijeneći ove činjenice i raspoložive nadležnosti, planira provođenje ovog pojedinačnog programa kojim se daje podrška direktnim stranim investicijama malih i srednjih preduzeća iz inostranstva, odnosno podrška za osnivanje pravnih lica sa sjedištem na području Kantona Sarajevo koja imaju većinski udio stranog pravnog lica. Ova podrška će se dodjeljivati u obliku finansijskih sredstava za nabavku osnovnih sredstava, opreme, mašina, alata i tehnike (osim mobilnog telefona) koja nije starija od deset godina i koja je nabavljena od registrovanih poslovnih subjekata. Također, ovim programom obuhvaćeno je sufinansiranje digitalizacije poslovanja (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) i sufinansiranje uvođenja sistema međunarodnih standarda i troškova certificiranja sistema i proizvoda (CE oznaka) i troškova sticanja prava ili obnavljanja upotrebe standarda: ISO, HACCAP, HALAL i drugih standarda kvalitete.

Iznos poticajnih sredstava

Za provođenje aktivnosti po ovom programu predviđeno je 300.000,00 KM budžetskih sredstava. Predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuje u maksimalnom iznosu do 100.000,00 KM. Korisnik sredstava po ovom programu obavezan je dostaviti bezuslovnu i na prvi poziv naplativu garanciju za dobro izvršenje ugovora u visini iznosa odobrenih sredstava koji je uvećan za ugovorne kazne i pripadajuće zakonske zatezne kamate. Detalji o bankovnoj garanciji bit će utvrđeni Javnim pozivom. Troškovi obezbjeđenja bankovne garancije padaju na teret korisnika sredstava. Trošak obezbjeđenja bankovne garancije je prihvatljiv trošak u dijelu vlastitog učešća korisnika sredstava.

Uslovi i kriteriji za izbor korisnika poticajnih sredstava

Podnosilac prijave – strani ulagač u smislu ovog programa u I fazi mora ispunjavati sljedeće osnovne (eliminatorne) uslove kako bi njegova prijava bila uzeta u daljnje razmatranje: da je strano pravno lice koje nema registrovano poslovanje u Bosni i Hercegovini; da posluje minimalno dvije godine do dana 31.12.2025. godine; da posjeduje pisani dokaz izdat od strane banke o načinu/statusu obezbjeđenja vlastitih i/ili kreditnih sredstava potrebnih za realizaciju biznis plana; da ispunjava uslove za svrstavanje u kategoriju subjekata male privrede shodno članu 3. Zakona; da ima kvalitetnu biznis ideju koja je kroz proces cjelovitog biznis planiranja razvijena u perspektivan biznis model predočen u formi biznis plana, koji obavezno uključuje ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nije predvidio korištenje



poticajnih grant sredstava iz budžeta za neprihvatljive troškove definisane u javnom pozivu; da je dostavio kompletnu dokumentaciju koja se traži javnim pozivom i da je ova dokumentacija prevedena na jedan od službenih jezika u Bosni i Hercegovini i ovjerena od strane ovlaštenog sudskog tumača; da je spreman registrovati pravno lice sa sjedištem na području Kantona Sarajevo u kojem ima većinski udio ukoliko bude odabran kao korisnik sredstava; da je spreman obezbijediti vlastito učešće u vrijednosti od 40% od ukupnog traženog iznosa poticajnih grant sredstava po ovom programu i da u predmetnu svrhu do dana podnošenja prijave na javni poziv nije koristio poticajna sredstva koja potiču iz drugih izvora.

S druge strane, podnosilac prijave – subjekt male privrede sa sjedištem na području Kantona Sarajevo mora ispunjavati sljedeće osnovne (eliminatore) uslove kako bi njegova prijava bila uzeta u razmatranje: da je subjekt male privrede u skladu sa Zakonom, da ima većinski udio stranog ulagača u smislu ovog programa, da ima kvalitetnu biznis ideju koja je kroz proces cjelovitog biznis planiranja razvijena u perspektivan biznis model predočen u formi biznis plana, koji obavezno uključuje ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nije predvidio korištenje poticajnih grant sredstava iz budžeta za neprihvatljive troškove definisane u javnom pozivu; da je dostavio kompletnu dokumentaciju koja se traži javnim pozivom i da je ova dokumentacija prevedena na jedan od službenih jezika u Bosni i Hercegovini i ovjerena od strane ovlaštenog sudskog tumača; da je strani ulagač koji je u vlasničkom udjelu ovog podnosioca prijave spreman obezbijediti vlastito učešće u vrijednosti od 40% od ukupnog traženog iznosa poticajnih grant sredstava po ovom programu i da u predmetnu svrhu do dana podnošenja prijave na javni poziv nije koristio poticajna sredstva koja potiču iz drugih izvora.

Javnim pozivom bit će definirani ostali uslovi i kriteriji.

Svrha	Finansijska podrška za subjekte male privrede registrovane u 2026. godini sa većinskim udjelom stranog ulagača
Korisnici	Subjekti male privrede registrovani u 2026. godini sa većinskim udjelom stranog ulagača
Nosilac aktivnosti	Ministarstvo privrede Kantona Sarajevo
Sunosioci aktivnosti	Institucije koje obezbijede dodatna sredstva ili tehničku podršku za provođenje ovog programa mogu biti sunosioci aktivnosti.
Način provođenja	Javni poziv
Aktivnosti	<ul style="list-style-type: none"> Promocija programa putem kanala komunikacije kojima raspolaže Ministarstvo privrede Kantona Sarajevo, uz saradnju sa Uredom za dijasporu Vlade Kantona Sarajevo, Kantonalnom agencijom za privlačenje investicija i privatizaciju, Agencijom za unapređenje stranih investicija u BiH (FIPA) i drugim relevantnim institucijama; Finansijski poticaji direktnih stranih ulaganja
Indikator realizacije	<ul style="list-style-type: none"> Broj potencijalnih stranih ulagača koji su pripremili i dostavili kompletnu dokumentaciju u skladu sa javnim pozivom po ovom programu (minimalno pet podnositelja prijave) Broj i iznos odobrenih finansijskih podrški stranim ulagačima prema odluci Vlade Kantona Sarajevo (minimalno troje stranih ulagača) Broj zaključenih ugovora o dodjeli poticajnih sredstava sa pravnim licima koja imaju većinski udio stranih ulagača odabranih po ovom programu (minimalno troje pravnih lica)
Izvori finansiranja	Budžet Kantona Sarajevo - Ministarstvo privrede Kanton Sarajevo

3.2.3 Program Finansijski poticaj sa inkubacijom za novoosnovane poslovne subjekte

Pravo i uslovi za dodjelu poticajnih sredstava

Pravo na korištenje bespovratnih finansijskih sredstava po ovom programu i korištenje Inkubatora Centra za razvoj poduzetništva Javne ustanove „Centar za napredne tehnologije u Sarajevu“ (u



daljnjem tekstu: Inkubator) ima subjekt male privrede definisan u skladu sa Zakonom koji ima sjedište na području Kantona Sarajevo i koji je registrovan u periodu od 01.01.2026. godine do roka za dostavljanje dokaza o registraciji novoosnovanog poslovnog subjekta (poslovni subjekt koji se registruje nakon što njegov osnivač dostavi prijavu na javni poziv po ovom programu ostvaruje pravo na bespovratna sredstva samo ako je u većinskom vlasništvu fizičkog lica koje bude odabrano kao korisnik sredstava po ovom programu). Pravo ostvaruje poslovni subjekt koji obavlja osnovnu djelatnost obuhvaćenu podtačkom b) tačke 2.1 Opći uslov - obavljanje registrovane osnovne djelatnosti iz ovog Godišnjeg plana i ima najmanje jednog zaposlenog (vlasnik ili jedan zaposlenik). Ovim programom pružit će se finansijska podrška i podrška boravka u Inkubatoru za kvalitetne biznis ideje koje su kroz proces cjelovitog biznis planiranja razvijene u perspektivan biznis model predložen u formi biznis plana. U skladu sa članom 12. tačka h) Zakona i članom 4., 16., 25. i 42. Zakona o mladima, pravo na korištenje bespovratnih sredstava imaju subjekti male privrede koji su u većinskom vlasništvu punoljetnih fizičkih lica koja pripadaju kategoriji mladih ljudi u skladu sa članom 4. i 42. Zakona o mladima (da na dan dostavljanja prijave na javni poziv nemaju napunjenih 36 godina života) i koja su državljani Bosne i Hercegovine. Također, poslovni subjekt koji zaključi ugovor o dodjeli poticajnih sredstava sa Ministarstvom privrede Kantona Sarajevo mora dostaviti dokaz da je njegov većinski vlasnik zaposlen u ovom poslovnom subjektu na puno radno vrijeme.

Namjena utroška poticajnih sredstava

Ovim programom nastoji se probuditi poduzetnički duh među mladim ljudima, motivisati kreativne mlade pojedince s inovativnim i provodivim poslovnim idejama za pokretanje vlastitog biznisa i jačati poduzetničke kompetencije mladih osoba u Kantonu Sarajevo. Programom se za cca. 22 novoosnovana subjekta male privrede pruža finansijski poticaj za poslovanje u skladu sa prihvaćenim biznis planom. Također, ovim programom pruža se i podrška novoosnovanim subjektima male privrede na području Kantona Sarajevo u vidu pružanja mogućnosti boravka u Inkubatoru. Raspoloživost Inkubatora treba da poslovnim subjektima - krajnjim korisnicima pruži mogućnost besplatnog korištenja određenog dijela kancelarijskog prostora, kao i opreme u ovom kancelarijskom prostoru na period od jedne godine. Također, prilikom boravka u Inkubatoru, odabrani poslovni subjekti - krajnji korisnici imat će i benefit besplatnog korištenja električne energije, grijanja, interneta i ostalih dijelova koji čine infrastrukturu Inkubatora. Vrijednost koja se, uslugom obezbjeđenja izgradnje i raspoloživosti infrastrukture Inkubatora isporučuje krajnjim korisnicima ogleda se u smanjenju troškova u njihovoj prvoj godini poslovanja, benefitima korištenja privlačnog, savremenog i reprezentativnog poslovnog prostora opremljenog u skladu sa savremenim standardima, kao i benefitom zajedničkog druženja sa kolegama poduzetnicima u prostorijama Inkubatora, koje treba da potakne rezidente Inkubatora na međusobnu saradnju i umrežavanje.

Iznos poticajnih sredstava

Za provođenje aktivnosti po programu – „Finansijski poticaj sa inkubacijom za novoosnovane poslovne subjekte“ predviđeno je 660.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenog biznis plana, dodjeljuje u maksimalnom iznosu do 30.000,00 KM. Korisnik sredstava po ovom programu obavezan je, prije zaključenja ugovora o dodjeli poticajnih sredstava, dostaviti bjanko ovjerenu mjenicu sa ovjerenom mjeničnom izjavom, koja se može realizirati do visine iznosa odobrenih ovih sredstava uvećanog za ugovorne kazne i zakonske zatezne kamate. Troškovi obezbjeđenja ove bjanko ovjerene mjenice padaju na teret korisnika sredstava.

Uslovi i kriteriji za izbor korisnika poticajnih sredstava

Fizičko lice koje podnosi prijavu po ovom programu u I fazi mora ispunjavati sljedeće osnovne (eliminatorene) uslove kako bi njegova prijava bila uzeta u daljnje razmatranje: da ima prebivalište na području Kantona Sarajevo i da je državljanin Bosne i Hercegovine; da ima kvalitetnu poslovnu ideju i želju da se bavi vlastitim biznisom; da je punoljetno i da nije navršilo 36 godina života u momentu dostavljanja prijave na javni poziv; da do dana podnošenja prijave nije koristilo poticajna sredstva



koja potiču iz drugih izvora; da je spremno osigurati vlastito sufinansiranje od minimalno 10% od ukupne vrijednosti odobrenih poticajnih grant sredstava iz ovog Programa; da ima izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nije predvidjelo korištenje poticajnih grant sredstava iz budžeta za neprihvatljive troškove; da je spremno registrovati poslovni subjekt sa sjedištem u Inkubatoru, u kojem poslovnom subjektu ima većinski udjel u slučaju da bude odabrano kao korisnik predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nije koristilo poticajna sredstva koja potiču iz drugih izvora.

S druge strane, subjekt male privrede koji podnosi prijavu po ovom programu u I fazi mora ispunjavati sljedeće osnovne (eliminatorne) uslove): da je registrovan za obavljanje osnovne djelatnosti obuhvaćene podtačkom b) tačke 2.1 Opći uslov - obavljanje registrovane osnovne djelatnosti iz ovog Godišnjeg plana; da je registrovan u periodu od 01.01.2026. godine do dana dostavljanja prijave na javni poziv; da ima najmanje jednog zaposlenika; da ima sjedište na području Kantona Sarajevo; da ima kvalitetnu poslovnu ideju; da je u većinskom vlasništvu fizičkog lica koje nije navršilo 36 godina života u momentu dostavljanja prijave na javni poziv, koje ima prebivalište na području Kantona Sarajevo i koje je državljanin Bosne i Hercegovine; da do dana podnošenja prijave nije koristio poticajna sredstva koja potiču iz drugih izvora; da je spreman osigurati vlastito sufinansiranje od minimalno 10% od ukupne vrijednosti odobrenih poticajnih sredstava iz ovog programa; da ima izrađen biznis plan u skladu sa ekonomskim standardima koji, između ostalog uključuje: ukupna sredstva za realizaciju poslovne ideje, sopstvena sredstva i poticajna grant sredstva iz budžeta; da u biznis planu nije predvidio korištenje poticajnih grant sredstava iz budžeta za neprihvatljive troškove i da je spreman registrovati sjedište u Inkubatoru u slučaju da bude odabran kao korisnik predmetnih poticajnih grant sredstava, te da do dana zaključivanja ugovora o dodjeli poticajnih grant sredstava nije koristio poticajna sredstva koja potiču iz drugih izvora.

Ostali uslovi i kriteriji bit će definisani javnim pozivom koji će se objaviti po ovom programu.

Svrha	Finansijska podrška i podrška inkubacije za subjekte male privrede koje su u 2026. godini registrovale mlade osobe
Korisnici	Subjeki male privrede koje su u 2026. godini registrovale mlade osobe
Nosilac aktivnosti	Ministarstvo privrede Kantona Sarajevo
Sunosioci aktivnosti	Javna ustanova „Centar za napredne tehnologije u Sarajevu“
Način provođenja	Javni poziv
Aktivnosti	<ul style="list-style-type: none"> • Finansijski poticaji za novoosnovane poslovne subjekte u većinskom vlasništvu mladih osoba; • Podrška inkubacije za novoosnovane poslovne subjekte u većinskom vlasništvu mladih osoba
Indikator realizacije	<ul style="list-style-type: none"> • Broj mladih osoba i novoosnovanih subjekata male privrede koji su pripremili i dostavili biznis plan (minimalno 40 podnosioca prijave); • Broj i iznos odobrenih finansijskih poticaja prema odluci Vlade Kantona Sarajevo (minimalno 20 subjekata); • Broj odobrenih poticaja u vidu inkubacije prema odluci Vlade Kantona Sarajevo (minimalno 20 subjekata)
Izvori finansiranja	Budžet Kantona Sarajevo - Ministarstvo privrede Kanton Sarajevo Budžet Kantona Sarajevo - Javna ustanova „Centar za napredne tehnologije u Sarajevu“

3.2.4 Program podrške razvoju i održivosti poslovnih subjekata kroz nastavak inkubacije

Pravo i uslovi za dodjelu poticajnih sredstava

Ovim programom uređuju se uslovi, kriteriji i način ostvarivanja prava na nastavak korištenja Inkubatora Centra za razvoj poduzetništva Javne ustanove „Centar za napredne tehnologije u



Sarajevu“ (u daljnjem tekstu: Inkubator). kao i dodjela dodatnih finansijskih sredstava za poslovne subjekte koji su uspješno završili prvu godinu inkubacije u okviru programa „Finansijski poticaj sa inkubacijom za novoosnovane poslovne subjekte“ i koji su zaključili ugovor o dodjeli poticajnih sredstava sa Ministarstvom na osnovu programa – „Finansijski poticaj sa inkubacijom“ iz Godišnjeg plana provođenja Programa razvoja male privrede za 2025. godinu. Pravo ostvaruju poslovni subjekti koji obavljaju osnovnu djelatnost obuhvaćenu podtačkom c) tačke 2.1 Opći uslov - obavljanje registrovane osnovne djelatnosti iz ovog godišnjeg plana

Namjena utroška poticajnih sredstava

Ovim programom nastoji se osigurati kontinuitet podrške perspektivnim poslovnim subjektima, povećati stopa opstanka novoosnovanih biznisa, podstaći rast i razvoj postojećih poslovnih modela, unaprijediti zapošljavanje i tržišna konkurentnost, jačati inovacije i poduzetnički ekosistem u Kantonu Sarajevo. Program ima za cilj da za tri najuspješnija poslovna subjekta omogući finansijski poticaj za kupovinu mašina, alata, opreme, tehnike (osim mobilnog telefona), kvalitete koji su u vezi sa obavljanjem djelatnosti poslovnog subjekta, digitalizaciju poslovanja i jačanje konkurentnosti kroz uvođenje sistema međunarodnih standarda kvalitete. Također, Programom je predviđeno da tri najuspješnija poslovna subjekta nastave poslovanje u inkubatoru na period od 12 (dvanaest) mjeseci u skladu sa uslovima i kriterijima koji će jasno biti propisani u javnom pozivu. Nastavak poslovanja u inkubatoru na period od 12 (dvanaest) mjeseci podrazumijeva nastavak korištenja kancelarijskog prostora, opreme i prateće infrastrukture (struja, grijanje, internet i dr.).

Iznos poticajnih sredstava

Za provođenje aktivnosti po „Programu podrške razvoju i održivosti poslovnih subjekata kroz nastavak inkubacije“ predviđeno je 30.000,00 KM budžetskih sredstava. Ovim programom predviđena je poticajna grant podrška po odabranom korisniku koja se u ovisnosti od ocjene prihvaćenih dokaza, dodjeljuje u maksimalnom iznosu do 10.000,00 KM. Sredstva se mogu koristiti isključivo za aktivnosti definisane u planu poslovanja koje podnosilac prijave dostavlja po Javnom pozivu, a u skladu sa prihvatljivim troškovima koji će biti definisani javnim pozivom.

Uslovi i kriteriji za izbor korisnika poticajnih sredstava

Pravo učešća na ovom programu ostvaruju subjekti male privrede koji su zaključili ugovor o dodjeli poticajnih sredstava sa Ministarstvom na osnovu programa – „Finansijski poticaj sa inkubacijom“ iz Godišnjeg plana provođenja Programa razvoja male privrede za 2025. godinu, koji podnesu prijavu po ovom programu i ispunjavaju sljedeće uslove: imaju sjedište u Inkubatoru, uredno su izvršili ugovorne obaveze iz prethodnog programa (pravovremeno dostavljanje Izvještaja o implementaciji odobrenih sredstava, dokazan i opravdan trošak odobrenih poticajnih sredstava u 2025. godini u skladu sa odobrenim biznis planom), posjeduju plan poslovanja za period od tri godine, obavljaju registrovanu djelatnost u skladu sa važećim propisima, imaju najmanje jednog zaposlenog (vlasnik ili zaposlenik) i nisu koristili sredstva iz drugih programa za istu namjenu. Prilikom odabira korisnika vrednovat će se: ostvareni poslovni rezultati do 30.06.2026. godine (ostvareni prihodi i broj zaposlenih) i procenat prisustva na edukacijama koje organizuje Javna ustanova „Centar za napredne tehnologije u Sarajevu“.

Ostali detalji, uslovi i kriteriji bit će definisani javnim pozivom koji će se objaviti po ovom programu.

Svrha	Finansijska podrška za subjekte male privrede kroz nastavak inkubacije
Korisnici	Subjekti male privrede koji su zaključili ugovor o dodjeli poticajnih sredstava sa Ministarstvom na osnovu programa – „Finansijski poticaj sa inkubacijom“ iz Godišnjeg plana provođenja Programa razvoja male privrede za 2025. godinu.
Nosilac aktivnosti	Ministarstvo privrede Kantona Sarajevo
Sunosoci aktivnosti	Javna ustanova „Centar za napredne tehnologije u Sarajevu“



Način provođenja	Javni poziv
Aktivnosti	<ul style="list-style-type: none"> • Nastavak inkubacije za rezidente Inkubatora iz 2025. godine
Indikator realizacije	<ul style="list-style-type: none"> • rast prihoda korisnika kojima je omogućen nastavak inkubacije • broj korisnika koji su proširili poslovanje (novi proizvodi/usluge) • broj novozaposlenih kod korisnika u periodu nastavka inkubacije
Izvori finansiranja	Budžet Kantona Sarajevo - Ministarstvo privrede Kanton Sarajevo Budžet Kantona Sarajevo - Javna ustanova „Centar za napredne tehnologije u Sarajevu“

3.2.5 Program Poticaj za ulaganja poslovnih subjekata registrovanih u 2025. i 2026. godini

Pravo i uslovi za dodjelu poticajnih sredstava

Pravo na dodjelu poticajnih sredstava po ovom programu imaju subjekti male privrede definisani u skladu sa Zakonom koji imaju sjedište na području Kantona Sarajevo i koji su registrovani u periodu od 01.01.2025. godine do dana objave javnog poziva po ovom programu. Pravo ostvaruju poslovni subjekti koji obavljaju osnovnu djelatnost obuhvaćenu podtačkom d) tačke 2.1 Opći uslov - obavljanje registrovane osnovne djelatnosti iz ovog godišnjeg plana i imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik).

Ovim programom se subvencionira/refundira dio prihvatljivih troškova nastalih i plaćenih u periodu od 01.01.2025. godine do roka za dostavljanje dokaza o nastanku i plaćanju prihvatljivih troškova po ovom programu. Prihvatljivi troškovi koji se mogu sufinansirati su troškovi za aktivnosti direktno i/ili indirektno neophodne za obavljanje osnovne djelatnosti, i to za: kupovinu mašina, alata i opreme, tehnike (osim mobilnog telefona) koja se koristi u vremenu dužem od jedne godine, a koja nije starija od deset godina i koja je nabavljena od registrovanih poslovnih subjekata uz obavezan račun i fiskalni račun (ukoliko postoji zakonska obaveza izdavanja) ili uz odgovarajuću kompletnu uvoznju dokumentaciju. Pravo ostvaruju i poslovni subjekti za digitalizaciju poslovanja subjekata male privrede (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koje su produkt registrovanih poslovnih subjekata uz dostavljeni račun i obavezan fiskalni račun (ukoliko postoji zakonska obaveza izdavanja). Također, isto pravo na dodjelu poticajnih sredstava ostvaruju subjekti male privrede za jačanje konkurentnosti po osnovu uvođenja sistema međunarodnih standarda kvalitete, te u vezi s tim od strane registrovanih institucija odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove sticanja prava ili obnavljanja upotrebe: ISO, HACCP, HALAL i drugih međunarodnih standarda. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz stručno usavršavanje zaposlenika. Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta motornih vozila osim kupovine teretnih vozila i radnih mašina registrovanih na odnosni subjekt male privrede, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu adekvatan dokaz o prihvatljivom trošku. Podnosilac prijave po Javnom pozivu može ostvariti pravo na refundaciju prihvatljivih troškova za maksimalno pet stavki u nabavci, s tim da pojedinačna stavka u nabavci za koju traži refundaciju ne može iznositi manje od 500,00 KM. Ako podnosilac prijave u prijavi dostavi dokumentaciju koja se odnosi na više od pet stavki u nabavci i/ili koja se odnosi na pojedinačnu stavku u nabavcu čiji je iznos niži od 500,00 KM, ovaj podnosilac prijave bit će isključen iz postupka dodjele poticajnih sredstava. Kada je u pitanju trošak edukacije, jednom stavkom u nabavci smatra se edukacija po samo jednoj temi stručnog usavršavanja kojoj je pristupio jedan ili više zaposlenika, a organizuje je isti pružalac usluga. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju.



Dodjela poticajnih sredstava vrši se na osnovu dostavljenih dokaza o plaćanju prihvatljivih troškova po ovom programu, odnosno na osnovu dostavljenih faktura i bankovnog izvoda ili potvrde banke o realizovanom nalogu kao dokaza izvršene uplate. Ukoliko odabrani aplikant ove dokaze dostavi u prijavi na javni poziv, isplata sredstava vrši se u roku koji se određuje u ugovoru o dodjeli poticajnih sredstava sa ovim aplikantom (refundacija troškova nastalih i plaćenih do dostavljanja prijave na javni poziv).

Ako odabrani aplikant u prijavi na javni poziv dostavi predračun/profakturu/ponudu za prihvatljive troškove po ovom programu, dužan je u roku koji bude utvrđen u ugovoru o dodjeli poticajnih sredstava dostaviti dokaze o plaćanju prihvatljivih troškova po ovom programu, odnosno dostaviti fakturu kao i bankovni izvod ili potvrdu banke o realizovanom nalogu kao dokaz izvršene uplate (poticaj za nova ulaganja). Ovim dokazima aplikant je dužan dokazati da je realizovao prihvatljive aktivnosti u skladu sa javnim pozivom objavljenim na osnovu ovog programa i podnesenom prijavom (računima/predračunima/profakturama/ponudama). Po zaprimanju prihvatljivog dokaza, u okviru utvrđenog roka, Ministarstvo (u skladu sa zaključenim ugovorom o dodjeli sredstava, prijavom i dostavljenim/prihvaćenim dokazima o utrošku sredstava) svojom odlukom odobrava iznos sredstava za koje se obavezuje da će uplatiti na dostavljeni račun korisnika.

Aplikant prilikom prijave po ovom programu može izabrati samo jednu opciju pravdanja sredstava, odnosno može izabrati opciju refundacije troškova nastalih i plaćenih do dostavljanja prijave na javni poziv ili opciju poticaja za nova ulaganja. Odabir ove opcije aplikant navodi na koverti i prijavnom obrascu svoje aplikacije.

Namjena utroška odobrenih poticajnih sredstava

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg poslovnog subjekta, ekonomsku stabilnost poslovnog subjekta, održavanje postojećeg broja radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik je obavezan dostaviti dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi u vremenu dužem od jedne godine. Korisnik sredstava je dužan opravdati trošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva. Ministarstvo će za sva neopravdana sredstva pokrenuti proceduru povrata sredstava uz pripadajuću zakonsku kamatu. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, a što dokazuje dostavljanjem uvjerenja Porezne uprave Federacije BiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku poticajnih sredstava.

Iznos poticajnih sredstava

Godišnjim planom za 2026. godinu za ovu namjenu predviđen je iznos od 400.000,00 KM. Poticajna sredstva za sve dozvoljene prihvatljive aktivnosti poslovnih subjekata po ovom programu, bit će uplaćena na dostavljene račune korisnika u iznosu do 50% priznatih prihvatljivih troškova za ove namjene. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 30.000,00 KM.

Uslovi i kriteriji za izbor korisnika poticajnih sredstava

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da se navedena osnovna djelatnost poslovnog subjekta nalazi na popisu dozvoljenih djelatnosti obuhvaćenih podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana čime privredni subjekt dokazuje pravo na podnošenje zahtjeva za dodjelu poticajnih sredstava. Sredstva za subvencioniranje



(refundiranje) prihvatljivih troškova po ovom programu uplaćuju se na račun korisnika po osnovu, između ostalih dokaza i dostavljenih sljedećih dokaza: računa uz obavezan fiskalni račun (ukoliko postoji zakonska obaveza izdavanja) kojima se dokazuje namjensko korištenje sredstava i dostavljenog dokaza o plaćanju računa i drugih dokaza.

Napomena: Pravo ne mogu ostvariti privredni subjekti koji su za bilo koju navedenu namjenu ostvarili subvenciju, donaciju ili drugi vid finansijske pomoći.

Svi ostali uslovi i kriteriji bit će utvrđeni javnim pozivom koji se objavi na osnovu ovog programa.

Svrha	Jačanje konkurentnosti i poticaj razvoja postojećih subjekata male privrede registrovanih u 2025. i 2026. godini putem subvencioniranja prihvatljivih dokumentiranih troškova koji omogućavaju ekonomsku stabilnost poslovnih subjekata, održavanje postojećih radnih mjesta i novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize i povećanje izvoza i troškova stjecanja prava ili obnavljanja upotrebe međunarodno priznatih standarda
Korisnici	Subjekti male privrede
Nosilac aktivnosti	Ministarstvo privrede Kantona Sarajevo
Aktivnost	<ul style="list-style-type: none"> • Finansijski poticaji poduzetnicima koji vrše nabavku osnovnih sredstava, mašina i opreme ili unaprjeđuju postojeće tehnologije i tehnološke postupke; • Finansijski poticaji poduzetnicima za međunarodne standarde kvalitete
Indikator realizacije	<ul style="list-style-type: none"> • Broj subjekata koji su podnijeli prijavu (minimalno 20 subjekata); • Realizovani poticaji u najmanje 10 subjekata • Novo zapošljavanje (minimalno 5 osoba), rast izvoza
Izvori finansiranja	Budžet Kantona Sarajevo - Ministarstvo privrede Kanton Sarajevo

3.2.6 Program Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja

Pravo i uslovi za dodjelu poticajnih sredstava

Pravo na dodjelu poticajnih grant sredstava za subvencioniranje (refundiranje) dijela troškova nastalih i plaćenih u 2025. godini, u skladu sa članom 12. tačka j) Zakona ostvaruju subjekti male privrede definisani u skladu sa ovim Zakonom koji: imaju sjedište na području Kantona Sarajevo, obavljaju osnovnu djelatnost obuhvaćenu podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana, imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik) i koji su registrovani najkasnije do 31.12.2024. godine. Pravo na dodjelu poticajnih grant sredstava za subvencioniranje (refundiranje) dijela troškova nastalih i plaćenih u 2025. godini po ovom programu ostvaruju subjekti male privrede sa sjedištem na području Kantona Sarajevo, koji su sredstva koristili za aktivnosti direktno i/ili indirektno neophodne za obavljanje osnovne djelatnosti, i to za: kupovinu mašina, alata i opreme, tehnike (osim mobilnog telefona) koja se koristi u vremenu dužem od jedne godine, a koja nije starija od deset godina i koja je nabavljena od registrovanih poslovnih subjekata uz obavezan račun i fiskalni račun (ukoliko postoji zakonska obaveza izdavanja) ili uz odgovarajuću kompletnu uvoznju dokumentaciju. Pravo ostvaruju i poslovni subjekti za digitalizaciju poslovanja subjekata male privrede (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koje su produkt registrovanih poslovnih subjekata uz dostavljeni račun i obavezan fiskalni račun (ukoliko postoji zakonska obaveza izdavanja). Također, isto pravo na dodjelu poticajnih sredstava ostvaruju subjekti male privrede za jačanje konkurentnosti po osnovu uvođenja sistema međunarodnih standarda kvalitete, te u vezi s tim od strane registrovanih institucija odgovarajuće konsultantske usluge i edukacije za certificiranje sistema i certificiranje proizvoda (CE oznaka) i troškove sticanja prava ili obnavljanja upotrebe: ISO, HACCP, HALAL i drugih međunarodnih standarda. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz osiguranje potrebnih certifikata o stručnom usavršavanju zaposlenika. Neprihvatljivi troškovi su: kupovina zemljišta, stana/kuće, vanjski



gradevinski radovi i nabavka, kupovina i najam svih vrsta motornih vozila, osim nabavke teretnih vozila i radnih mašina registrovanih na odnosi subjekt male privrede, vanjski gradevinski radovi, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju. Podnosilac prijave po Javnom pozivu može ostvariti pravo na refundaciju prihvatljivih troškova za maksimalno pet stavki u nabavci, s tim da pojedinačna stavka za koju traži refundaciju ne može iznositi manje od 500,00 KM. Ako podnosilac prijave u prijavi dostavi dokumentaciju koja se odnosi na više od pet stavki u nabavci i/ili koja se odnosi na pojedinačnu stavku čiji je iznos niži od 500,00 KM, ovaj podnosilac prijave bit će isključen iz postupka dodjele poticajnih sredstava. Kada je u pitanju trošak edukacije, jednom stavkom u nabavci smatra se edukacija po samo jednoj temi stručnog usavršavanja kojoj je pristupio jedan ili više zaposlenika, a organizuje je isti pružalac usluge.

Napomena: Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili druge finansijske pomoći.

Namjena utroška odobrenih poticajnih sredstava

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećih subjekata, ekonomsku stabilnost poslovnog subjekta, održavanje postojećih radnih mjesta, novo upošljavanje, pokretanje nove i održavanje postojeće proizvodnje, unutrašnje uređenje poslovnog prostora koji je fizički odvojen od stambenog dijela i ukoliko je izvođač odnosnih radova uređenja poslovni subjekt registriran za obavljanje tih radova, povećanje izvoza, dobijanje i obnavljanje odgovarajućih certifikata. Korisnik sredstava je obavezan dostaviti dokaze o utrošku sredstava za: tehnološku modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi duže od jedne godine. Korisnik sredstava je dužan opravdati utrošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva. Ministarstvo će za sva neopravdana sredstva pokrenuti proceduru povrata sredstava uz pripadajuću zakonsku zateznu kamatu. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, što dokazuje dostavljanjem uvjerenja Porezne uprave FBiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku dodijeljenih poticajnih sredstava.

Iznos poticajnih sredstava

Godišnjim planom za 2026. godinu za ovu namjenu predviđen je iznos od 2.000.000,00 KM. Sredstva će se dodjeljivati u iznosu do 50% priznatih prihvatljivih troškova za ove namjene, a u maksimalnom iznosu po jednom korisniku do 50.000,00 KM. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Sredstva za subvencioniranje (refundiranje) prihvatljivih troškova po ovom programu uplaćuju se na račun korisnika po osnovu, između ostalih dokaza i dostavljenih sljedećih dokaza: računa uz obavezan fiskalni račun (ukoliko postoji zakonska obaveza izdavanja), kojima se dokazuje namjensko korištenje sredstava i dostavljenog dokaza o plaćanju računa, tj. bankovnog izvoda, odnosno potvrde banke o realizovanom nalogu kao dokaza izvršene uplate, kao i drugih dokaza.

Uslovi i kriteriji za izbor korisnika poticajnih sredstava

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da je navedena osnovna djelatnost obuhvaćena podtačkom d) tačke 2.1 Opći uslov - obavljanje registrovane osnovne djelatnosti iz ovog godišnjeg plana, čime privredni subjekt dokazuje pravo podnošenja zahtjeva za dodjelu poticajnih grant



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

sredstava. Uslovi i kriteriji za izbor korisnika poticajnih grant sredstava za ove namjene su: dostavljanje računa uz obavezan fiskalni račun (ukoliko postoji zakonska obaveza izdavanja), i drugih dokaza o vrijednosti kupljenih mašina i opreme koja nije starija od deset godina i koja je nabavljena od registrovanih poslovnih subjekata uz obavezan fiskalni račun (ukoliko postoji zakonska obaveza izdavanja). te zaključeni ugovori subjekata male privrede iz 2025. godine o uvođenju sistema međunarodnih standarda kvalitete i u vezi sa tim od strane registrovanih institucija odgovarajuće konsultantske usluge ili edukacije, za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: račune uz obavezan fiskalni račun (ukoliko postoji zakonska obaveza izdavanja) i izvode iz banke ili potvrde banke o realizovanom nalogu za plaćene troškove za uvođenje i certificiranje kvaliteta, i druge standarde EU, dokaz o posjedovanju certifikata izdatog od ovlaštene certifikacijske organizacije u 2025. godini; imaju dokaz o obnovljenom standardu u 2025. godini; imaju osiguran CE znak u 2025. godini. Ostali uslovi i kriteriji se definišu u javnom pozivu.

Svrha	Subvencioniranje - refundiranje prihvatljivih dokumentiranih troškova koji omogućavaju ekonomsku stabilnost poslovnih subjekata, pokretanje nove i održavanje postojeće proizvodnje, održavanje postojećih radnih mjesta i novo upošljavanje, očuvanje postojećeg broja subjekata male privrede, prevazilaženje negativnih učinaka ekonomske krize i povećanje izvoza, obnavljanje prethodno dobijenih certifikata i obezbjeđenje redovnog poslovanja.
Korisnici	Subjekti male privrede
Nosilac aktivnosti	Ministarstvo privrede Kantona Sarajevo
Aktivnost	<ul style="list-style-type: none"> • Finansijski poticaji preduzetnicima koji razvijaju i uvode nove tehnologije, mašine i opremu ili unapređuju postojeće tehnologije i tehnološke postupke, izrađuju proizvode više dodane vrijednosti; • Finansijski poticaji poduzetnicima za uvođenje i obnavljanje međunarodnih standarda kvalitete
Indikator realizacije	<ul style="list-style-type: none"> • Broj subjekata, iznos odobrenih poticaja i namjena sredstava (minimalno 35 subjekata); • Realizovani poticaji u najmanje 30 subjekata; • Novo zapošljavanje (minimalno 5 osoba), rast izvoza
Izvori finansiranja	Budžet Kantona Sarajevo - Ministarstvo privrede Kantona Sarajevo

3.2.7 Program Poticaj za nova ulaganja u tehnološku modernizaciju i primjenu standarda kvalitete

Pravo i uslovi za dodjelu poticajnih sredstava

Pravo na dodjelu poticajnih sredstava za subvencioniranje/refundiranje dijela prihvatljivih troškova, a koji troškovi su zasnovani/nastali i plaćeni nakon dana objave javnog poziva po ovom programu ostvaruju subjekti male privrede definisani u skladu sa Zakonom („Službene novine Kantona Sarajevo“, broj: 29/15) koji imaju sjedište na području Kantona Sarajevo i koji su registrovani najkasnije do 31.12.2024. godine. Pravo ostvaruju poslovni subjekti koji obavljaju osnovne djelatnosti obuhvaćene podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana i imaju najmanje jednog zaposlenog na neodređeno vrijeme u punom radnom vremenu (vlasnik ili jedan zaposlenik). Ovaj program namijenjen je za jačanje konkurentnosti subjekata male privrede koji u skladu sa registrovanom osnovnom djelatnosti od dana objave odnosnog javnog poziva u 2026. godini do isteka roka trajanja javnog poziva, a u skladu sa javnim pozivom dostave odgovarajuću dokumentaciju (račune, predračune/profakture/ponude) za prihvatljive troškove nabavke osnovnih sredstava, opreme, kupovinu mašina, alata i tehnike (osim mobilnog telefona) koja nije starija od deset godina i koja je nabavljena od registrovanih poslovnih



subjekata. Također, ovim programom obuhvaćena je modernizacija i inovacija poslovnih procesa, uvođenje sistema međunarodnih standarda i refundiranje troškova certificiranja sistema i proizvoda (CE oznaka) i troškova sticanja prava ili obnavljanja upotrebe standarda: ISO, HACCAP, HALAL i drugih standarda kvalitete. Podnosilac prijave po Javnom pozivu može ostvariti pravo na refundaciju prihvatljivih troškova za maksimalno pet stavki u nabavci, s tim da pojedinačna stavka za koju traži refundaciju ne može iznositi manje od 500,00 KM. Kada je u pitanju trošak edukacije, jednom stavkom u nabavci smatra se edukacija po samo jednoj temi stručnog usavršavanja kojoj je pristupio jedan ili više zaposlenika, a organizuje je isti pružalac usluge. Ako podnosilac prijave u prijavi dostavi dokumentaciju koja se odnosi na više od pet stavki u nabavci i/ili koja se odnosi na pojedinačnu stavku čiji je iznos niži od 500,00 KM, ovaj podnosilac prijave bit će isključen iz postupka dodjele poticajnih sredstava.

Namjena utroška odobrenih poticajnih sredstava

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg subjekta, ekonomsku stabilnost poslovnog subjekta, održavanje postojećih radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik je obavezan dostaviti dokaze o utrošku sredstava za: modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi u vremenu dužem od jedne godine. Korisnik sredstava je dužan opravdati utrošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva do isteka roka trajanja istog javnog poziva, i to dostavljanjem računa uz obavezan fiskalni račun (ukoliko postoji zakonska obaveza izdavanja) i izvode iz banke ili potvrde banke o realizovanom nalogu za plaćene troškove. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, a što dokazuje dostavljanjem uvjerenja Porezne uprave Federacije BiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku dodijeljenih poticajnih sredstava.

Iznos poticajnih sredstava

Godišnjim planom za 2026. godinu za ovu namjenu predviđen je iznos od 1.800.000,00 KM. Poticajna sredstva za sve dozvoljene prihvatljive aktivnosti poslovnih subjekata po ovom programu, koje su nastale nakon dana objave javnog poziva do isteka roka koji je naznačen u ugovoru po ovom javnom pozivu, bit će uplaćena na dostavljene račune korisnika u iznosu do 50% priznatih prihvatljivih troškova za ove namjene. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 50.000,00 KM. Ministarstvo privrede Kantona Sarajevo (u skladu zaključenim ugovorom o dodjeli sredstava, prijavom i dostavljenim/prihvaćenim dokazima o utrošku sredstava) svojom odlukom odobrava iznos sredstava za koje se obavezuje da se taj iznos poticajnih sredstava uplati na dostavljeni račun korisnika.

Uslovi i kriteriji za izbor korisnika poticajnih sredstava

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da se navedena osnovna djelatnost poslovnog subjekta nalazi na popisu dozvoljenih djelatnosti obuhvaćenih podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana čime privredni subjekt dokazuje pravo na podnošenje zahtjeva za dodjelu poticajnih sredstava. Također, podnosilac prijave dužan je dostaviti račune/predračune/profakture/ponude u vrijednosti od najmanje 3.000,00 KM za nabavku osnovnih sredstava, tehnike i opreme (osim mobilnog telefona), mašina i alata za modernizaciju i inovaciju poslovnih procesa (koja se koristi u vremenu dužem od jedne godine), te za uvođenje sistema međunarodnih standarda kvalitete, troškova certificiranja sistema i certificiranja proizvoda



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

(CE oznaka) i troškova sticanja prava ili obnavljanja upotrebe: ISO, HACCP, HALAL i drugih međunarodno priznatih standarda. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz osiguranje potrebnih certifikata o stručnom usavršavanju zaposlenika.

Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta vozila osim teretnih vozila registrovanih na odnosni subjekt male privrede, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, kompenzacija i cesija ne prihvaćaju se kao dokaz o izvršenom plaćanju.

Napomena: Pravo ne mogu ostvariti privredni subjekti koji su za bilo koju navedenu namjenu ostvarili subvenciju, donaciju ili drugi vid finansijske pomoći. Odabrani korisnik poticajnih sredstava subvencije/refundacije za prihvatljive troškove po ovom programu obavezan je da nakon zaključenog ugovora sa Ministarstvom privrede Kantona Sarajevo, a prije uplate odobrenih sredstava na dostavljeni transakcijski račun, dostavi odgovarajuće račune uz obavezan fiskalni račun (ukoliko postoji zakonska obaveza izdavanja) kojima dokazuje odnosni namjenski trošak po osnovu kojeg su istom korisniku u skladu sa njegovom prijavom odobrena sredstva, kao i da dostavi dokaze o plaćanju istih računa (izvode iz banke ili potvrda o realizovanom nalogu), te fotodokumentaciju mašina, postrojenja i opreme koja je nabavljena i kojima potvrđuje da je realizovao prihvatljive aktivnosti u skladu sa javnim pozivom i podnesenom prijavom (računima/predračunima/ponudama). Svi ovi i drugi dokazi koje dostavlja korisnik moraju biti zasnovani/nastali i plaćeni u 2026. godini nakon dana objave javnog poziva po ovom programu za aktivnosti po osnovu kojih su korisniku sredstva odobrena. Svi ostali uslovi i kriteriji bit će utvrđeni javnim pozivom koji se objavi na osnovu ovog programa.

Svrha	Jačanje konkurentnosti i poticaj razvoja postojećih subjekata male privrede u 2026. godini putem subvencioniranja prihvatljivih dokumentiranih troškova koji omogućavaju ekonomsku stabilnost poslovnih subjekata, održavanje postojećih radnih mjesta i novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize i povećanje izvoza i troškova sticanja prava ili obnavljanja upotrebe međunarodno priznatih standarda
Korisnici	Subjekti male privrede
Nosilac aktivnosti	Ministarstvo privrede Kantona Sarajevo
Aktivnost	<ul style="list-style-type: none"> • Finansijski poticaji poduzetnicima koji vrše nabavku osnovnih sredstava, mašina i opreme ili unaprjeđuju postojeće tehnologije i tehnološke postupke; • Finansijski poticaji poduzetnicima za međunarodne standarde kvalitete
Indikator realizacije	<ul style="list-style-type: none"> • Broj subjekata koji su podnijeli prijavu (minimalno 20 subjekata); • Realizovani poticaji u najmanje 10 subjekata; • Novo zapošljavanje (minimalno 5 osoba), rast izvoza
Prihvatljivi troškovi	<ul style="list-style-type: none"> • Osnovna sredstva, mašine, alati i oprema za obavljanje djelatnosti; • Kupovina odgovarajuće informatičke opreme za rad (osim mobilnog telefona); • Računi za uvođenje međunarodnih standarda kvalitete, troškovi certificiranja proizvoda (CE oznaka) i troškovi sticanja prava upotrebe: ISO, HACCP, HALAL i drugih međunarodno priznatih standarda.



3.2.8 Program Poticaj razvoja ženskog poduzetništva

Pravo i uslovi za dodjelu poticajnih sredstava

Pravo na dodjelu poticajnih grant sredstava za subvencioniranje dijela troškova nastalih i plaćenih u 2025. godini ostvaruju pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, sa sjedištem na području Kantona Sarajevo i koji su u minimalno 51% privatnom vlasništvu žena državljanke Bosne i Hercegovine, zapošljavaju najmanje jednog zaposlenog na neodređeno vrijeme u punom radnom vremenu (vlasnica ili jedan zaposlenik) i koji su registrovani najkasnije do 31.12.2024. godine. Pravo ostvaruju subjekti male privrede koji obavljaju osnovnu djelatnost obuhvaćenu podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana. Pravo na poticajna sredstva za subvencioniranje (refundiranje) dijela plaćenih troškova u 2025. godini poslovni subjekti ostvaruju za sljedeće aktivnosti: nabavku mašina, postrojenja, alata i opreme, tehnike (osim mobilnog telefona) koja se koristi u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima i ukoliko je izvođač odnosnih radova uređenja poslovni subjekt registriran za obavljanje tih radova; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga, te za troškove zakupa poslovnog prostora, ukoliko dokažu da su sredstva koristili za te namjene. Prihvatljivi troškovi su i troškovi finansiranja stručnog usavršavanja zaposlenika, odnosno troškovi unapređenja standarda kvaliteta kroz stručno usavršavanje zaposlenika.

Neprihvatljivi troškovi su: kupovina zemljišta, stana/kuće, vanjski građevinski radovi i nabavka, kupovina i najam svih vrsta motornih vozila osim nabavke teretnih vozila i radnih mašina registrovanih na odnosni subjekt male privrede, troškovi električne energije, vode i drugi komunalni troškovi, troškovi repromaterijala, opreme, te svi ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su iste prilikom sačinjavanja fotokopija prekrivene fiskalnim računom nisu prihvatljiv trošak. Podnosilac prijave po Javnom pozivu može ostvariti pravo na refundaciju prihvatljivih troškova za maksimalno pet stavki u nabavci, s tim da pojedinačni stavka u nabavci za koji traži refundaciju ne može iznositi manje od 500,00 KM. Troškovi nastali i plaćeni za zakup poslovnog prostora u periodu od 01.01.2025. do 31.12.2025. godine kumulativno se smatraju jednom stavkom nabavke. Podnosilac prijave može ostvariti pravo na dodjelu poticajnih sredstava na osnovu troškova zakupa samo jednog poslovnog prostora sa adresom na području Kantona Sarajevo. Kada je u pitanju trošak edukacije, jednom stavkom nabavke smatra se edukacija po samo jednoj temi stručnog usavršavanja kojoj je pristupio jedan ili više zaposlenika, a organizuje je isti pružalac usluge. Ako podnosilac prijave u prijavi dostavi dokumentaciju koja se odnosi na više od pet stavki u nabavci i/ili koja se odnosi na pojedinačnu stavku nabavke čiji je iznos niži od 500,00 KM i/ili ako dostavi dokumentaciju koja se odnosi na zakup više od jednog poslovnog prostora, ovaj podnosilac prijave bit će isključen iz postupka dodjele poticajnih sredstava. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava.

Napomena: Nalog za plaćanje, kompenzacija i cesija ne prihvaćaju se kao dokaz o izvršenom plaćanju. Pravo ne mogu ostvariti privredni subjekti koji su za bilo koju navedenu namjenu u navedenom periodu ostvarili subvenciju, donaciju ili drugi vid finansijske pomoći.

Namjena utroška odobrenih poticajnih sredstava

Korisnik sredstava je obavezan da odobrena sredstva po ovom programu utroši za jačanje konkurentnosti i poticaj razvoja postojećeg poslovnog subjekta, ekonomsku stabilnost poslovnog subjekta, održavanje postojećeg broja radnih mjesta, novo upošljavanje, pokretanje nove i održavanje postojeće proizvodnje, prevazilaženje negativnih učinaka ekonomske krize, povećanje izvoza, dobijanje i obnavljanje odgovarajućih certifikata. Korisnik je obavezan dostaviti dokaze o utrošku sredstava za:



modernizaciju i inovaciju poslovnih procesa, te za uvođenje sistema međunarodnih standarda kvalitete, kupovinu mašina, tehnike (osim mobilnog telefona), alata i opreme koja se koristi u vremenu dužem od jedne godine. Korisnik sredstava je dužan opravdati trošak dodijeljenih poticajnih sredstava sa odgovarajućom dokumentacijom datiranom poslije dana objave javnog poziva. Ministarstvo privrede Kantona Sarajevo će za sva neopravdana sredstva pokrenuti proceduru povrata sredstava uz pripadajuću zakonsku kamatu. Korisnik poticajnih sredstava obavezan je zadržati broj uposlenih koji je imao na dan podnošenja prijave do trenutka podnošenja izvještaja o realizaciji utroška dodijeljenih poticajnih sredstava, a što dokazuje dostavljanjem uvjerenja Porezne uprave Federacije BiH o izmirenim obavezama po osnovu poreza i doprinosa zajedno sa listom osiguranih osoba za obveznika uz odgovarajući Izvještaj o utrošku poticajnih sredstava.

Iznos poticajnih sredstava

Godišnjim planom za ovaj Program planiran je ukupan iznos od 1.228.000,00 KM. Sredstva za subvencioniranje/refundiranje dijela prihvatljivih troškova u visini do 50% troškova za navedene prihvatljive aktivnosti uplaćuju se na račun korisnika po osnovu, između ostalog dostavljenih računa kojima se dokazuje prihvatljivo korištenje sredstava i dostavljenog dokaza o plaćanju računa (izvod iz banke ili potvrda banke o realizovanom nalogu). Kada je u pitanju trošak zakupa poslovnog prostora koji izdaje općina, prihvatljiv dokaz plaćanja je i potvrda nadležne općine. Minimalni iznos prihvatljivih troškova koje je podnosilac prijave obavezan dostaviti je 3.000,00 KM. Maksimalan iznos poticaja po jednom korisniku sredstava u skladu sa ovim programom može iznositi najviše 50.000,00 KM. Sredstva se dodjeljuju isključivo za troškove nastale i plaćene u periodu od 01.01.2025. godine do 31.12.2025. godine.

Uslovi i kriteriji za izbor korisnika poticajnih sredstava

Podnosioci prijave su obavezni da dostave Obavještenje Službe za statistiku o razvrstavanju djelatnosti prema KD BiH 2010 na osnovu kojeg se utvrđuje da je navedena osnovna djelatnost obuhvaćena podtačkom d) tačke 2.1 Opći uslov - obavljanje registrovane osnovne djelatnosti iz ovog Godišnjeg plana, čime privredni subjekt dokazuje pravo podnošenja zahtjeva za dodjelu poticajnih grant sredstava. Kriteriji za izbor korisnika poticajnih grant sredstava za ove namjene su: dostavljanje računa uz obavezan fiskalni račun (ukoliko postoji zakonska obaveza izdavanja), i drugih dokaza o vrijednosti kupljenih mašina i opreme koja nije starija od deset godina i koja je nabavljena od registrovanih poslovnih subjekata uz obavezan fiskalni račun (ukoliko postoji zakonska obaveza izdavanja), te zaključeni ugovori subjekata male privrede iz 2025. godine o uvođenju sistema međunarodnih standarda kvalitete i u vezi sa tim od strane registrovanih institucija odgovarajuće konsultantske usluge ili edukacije, za digitalizaciju poslovanja, te dostavljanje dokaza o plaćanju navedenih troškova. Podnosioci prijave su obavezni da podnesu adekvatne dokaze: račune uz obavezan fiskalni račun (ukoliko postoji zakonska obaveza izdavanja) i izvode iz banke ili potvrde banke o realizovanom nalogu za plaćene troškove za uvođenje i certificiranje kvaliteta, i druge standarde EU, dokaz o posjedovanju sertifikata izdatog od ovlaštene certifikacijske organizacije u 2025. godini; imaju dokaz o obnovljenom standardu u 2025. godini; imaju osiguran CE znak u 2025. godini. Ostali uslovi i kriteriji se definišu u javnom pozivu.

Svrha	Poticaj poduzetničkih aktivnosti žena i promocija ženskog poduzetništva
Korisnici	Subjekti male privrede u skladu sa Zakonom o poticaju razvoja male privrede, koji su u vlasništvu žena (minimalno 51% vlasništva)
Nosilac aktivnosti	Ministarstvo privrede Kantona Sarajevo
Način provođenja	Javni poziv



Aktivnosti	<ul style="list-style-type: none"> • Finansijski poticaji za subvencioniranje - refundiranje prihvatljivih dokumentiranih troškova koji će omogućiti održavanje postojećih radnih mjesta i novo upošljavanje, te prevazilaženje negativnih učinaka ekonomske krize za žene poduzetnice
Indikator realizacije	<ul style="list-style-type: none"> • Broj subjekata koji su podnijeli prijavu (minimalno 30 prijava); • Broj i iznos odobrenih poticajih grant sredstava (minimalno 15 korisnika); • Realizirane investicije i povećani broj zaposlenih u subjektima (minimalno 5 novo-zaposlenih osoba)
Izvori finansiranja	Budžet Kantona Sarajevo - Ministarstvo privrede Kantona Sarajevo

Godišnji plan obuhvata plan mjera i aktivnosti koje će Ministarstvo poduzimati kroz realizaciju pojedinačnih programa/projekata poticaja razvoja subjekata male privrede u Kantonu Sarajevo, a kojima će se postići da se osigura dovoljan stepen likvidnosti subjekata male privrede. Godišnji plan obuhvaća sljedeće pojedinačne programe: Obezbjedenje kreditiranja pod povoljnijim uslovima; Poticaj direktnih stranih ulaganja - Podrška za osnivanje pravnog lica čiji je osnivač strani ulagač; Finansijski poticaj sa inkubacijom za novoosnovane poslovne subjekte; Program podrške razvoju i održivosti poslovnih subjekata kroz nastavak inkubacije; Poticaj za ulaganja novoosnovanih poslovnih subjekata registrovanih u 2025. i 2026. godini; Refundiranje troškova tehnološke modernizacije, primjene standarda kvaliteta i digitalizacije poslovanja; Poticaj za nova ulaganja u tehnološku modernizaciju i primjenu standarda kvaliteta i Poticaj razvoja ženskog poduzetništva. Ovim Godišnjim planom sve mjere i aktivnosti planirane su kako bi se stvorili uvjeti za daljnji ekonomski rast i razvoj obrta, malog i srednjeg poduzetništva i rast zaposlenosti, a programi su planirani u cilju daljnje stabilizacije i razvoja poduzetničkog okruženja, broja privrednih subjekata, očuvanja postojećih radnih mjesta i novih zapošljavanja u subjektima male privrede u Kantonu Sarajevo.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvu privrede Kantona Sarajevo,
5. Za objavu u „Službenim novinama Kantona Sarajevo“,
6. Evidencija,
7. A r h i v a.



